

1657, 21

23

Ungepaar

PROGRAM-  
MA.

PROGRAMM

MA



DECANUS  
COLLEGII JURIDICI IN  
ACADEMIA JENENSI  
ERASMUS UN-  
GEP AUR, J. U. D. Profes-  
sor Publicus, & Ordinarius,

L. B. S.



Um hisce diebus, Vir Juve-  
nis, eruditione insigni, vari-  
arumq; rerum cognitione,  
& morum elegantia admo-  
dum conspicuus, Dn. WIL-  
HELMUS LEISERUS, Jurium  
Candidatus Clarissimus, à  
Collegio nostro Juridico nomen suum in nu-  
merum Candidatorum juris referri, seq; ad Ten-  
tamen consuetum, quod Candidati subire so-  
lent, admitti modestè peteret, utrumq; sine diffi-  
cultate impetravit. Etenim honesta petenti,  
non est facilè denegandus assensus. Et cum in  
hoc Tentamine suam industriam, inq; jure pro-  
fectum laudabilem sufficientissimè probârit, di-  
gnis-


gnissimus statim iudicatus est à Dnn. Examina-  
toribus, cui lectio Cursoria committeretur, in  
qua nobilissimam & difficilem Constitutionem  
Imperatoris Justiniani, quæ habetur in L. Bene à  
Zenone. 3. C. de Quadrien. præscript. doctè ac  
luculenter explicabit. Noster autem Candida-  
tus (ut de vitæ ejus curriculo, more usitato, ali-  
quid impræsentiarum dicamus,) natus est Wit-  
tebergæ d. XXIV. August. Seculi præsentis An-  
no XXVIII. ac Parentes habuit WILHELMUM  
LEISERUM, SS. Theol. D. Prof. P. & c. Ecclesiæ  
Cathedralis Ingenuæ Misnensis Decanum: &  
REGINAM, Viri Jcti, GABRIELIS TUNZELI, Ser. mi  
Sax. Electoris JOH. GEORGI I. fel. mæ record. Con-  
siliarii intimi filiam. Domi ab his educatus, &  
privatim à quibusdam studiorum causâ tunc  
Wittebergæ commorantibus institutus est. U-  
nus ex illis Vir plur. Reverendus Ampl. mus Ex-  
cell. mus JOH. MEISNERUS, SS. Theol. Doct. qui  
Professorio suæ Facultatis munere publico nunc  
Wittebergæ fungitur, fuit. Cæperat Phil. Pro-  
fessoribus operam dare, jamq; animum ad di-  
scendum propensum Oratione ac disputatione  
publicâ testatus erat, cum Parens in Illustrem  
hanc studiorum causâ An. XLIV. eum ablegat:  
advenientem Beati Viri Theologi, MAJORES,  
Pater

Pater & Filius, alter convictu, Musæo alter, excepere. In tertium hîc substitit annum, & Philosophiæ studia, quæ futuro Theol. studioso potissimum usui esse possent, tractavit. Id nempe in votis habebat B. Parens, ut sua, ut Avi paterni ac aliorum agnatione conjunctorum vestigia insisteret. Sed fata & summa in ipso animi inclinatio ad Jurisprudentiæ studium vocabant, ac videbatur noster hâc in re magis maternam cognationem, quàm genus à Patre exprimere. Itaque jam tum libenter Disputationibus & aliis Exercitationibus publicis Jctorum N.<sup>orum</sup> intererat, cum Pater domum revocat, & consilii, quod ipsi de genere studiorum in sequens tempus esset, certior factus, Viro Mag.<sup>co</sup> Nob.<sup>mo</sup> Ampl.<sup>mo</sup> Consult.<sup>mo</sup> AUGUSTINO STRAUCHIO, J.C. Celeberrimo, Com. Pal. Cæs. Acad. VVitteb. Ordinario &c. Ser.<sup>mi</sup> Sax. Electoris in Supr. Appellat. Judicio Consiliario & p. t. Francofurti inter Imperii Deputatos Legato Excell.<sup>mo</sup> studiorum causâ commendat. Vixjecerat fundamenta Jurisprudentiæ studio sub Tanto Viro, cum celebritate famæ Virorum Jctorum JOH. BRUNNEMANNI & HENNINGI GROSSII, commotus Francofurt. Academiam ex voluntate Parentis adiit. Nondum integro anno in eâ exacto tri-  
sti

sti admodum nuncio de præmaturo obitu Pa-  
rentis p. m. Optimi percellitur. Grave quidem  
extanto vulnere damnum tunc sensere studia i-  
psius, mox melior tamen fortuna iterum illa re-  
spexit. Nempe à Patre Amita, Viri Ampl.<sup>mi</sup>  
Consult.<sup>mi</sup> Excell.<sup>mi</sup> ERASMI UNRUHENS J. U. D.  
& P. P. Witteb. Vidua improlis, genio suo in  
amorem ipsius impulsa, juvare eum instituit, &  
porrò liberaliter id præstitit. Huic itaq;, & item  
Generosis Dominis à VELTHEIMB, qui aliquan-  
diu Schulenburgiaco stipendio frui eum volue-  
re, plurimùm sese debere fatetur. Cæterùm ex  
illo tempore Jctos in patriâ Academiâ celeberr-  
mos B. REISNERUM, GODOFREDUM SUEVUM, (qui  
Facultatis suæ Decanus potestatem ipsi aliquan-  
do dedit præsidendi collegio disputatorio ad In-  
stit. privato:) HENRICUM COSELIUM diligenter  
audivit. Imprimis verò ad memoratum STRAU-  
CHIUM se applicuit, Exercitationibus ipsius va-  
riis interfuit, Præsidio ejus Cathedram Juridicam  
aliquoties publicè conscendit, & inter alias Di-  
sputationem, quam de CONSISTORIIS ECCLESIA-  
STICIS conscripserat, defendit. Hinc factum  
est, ut amore Viri sibi conciliato, ab Eo ad Co-  
mitia Imperialia, ad quæ ille pro Legato à Ser.<sup>mo</sup>  
Sax. Electore ibat, inter Comites Ratisponam  
An.

An. LII. duceretur. Incunte vere sequentis anni in Italiam abiit, & aditis celebrioribus in eâ locis ad Neapolis oram usq; excurrit. Inde circa dicti anni finem in Gallias transgressus annum unum in illis substitit. Postea Belgium, Fæderatasq; Provincias celeriter transiens Anno LV. in patriam redux factus est. Quo quidem in itinere nullo se loco pluribus benevolentia demonstrationibus exceptum esse, quàm Pisis à GALEOTTO, CHESIO, de VECCHIIS & ZEFFINO Juris Antecessoribus ibidem id factum fuerit, cum honore Gener.<sup>orum</sup> & Excell.<sup>orum</sup> Virorum commemorat. Post reditum in patriam ferè Amicorum rebus componendis se dedit, accessumq; ad usum Jurisprudentiaè practicum fecit: quâ in re sæpè Ampl.<sup>mi</sup> & Consult.<sup>mi</sup> Viri CHRISTOPHORI BRESLERI Synd. Witteb. & Facult. Jurid. Assessoris &c. consiliis adjutus est: donec Amicis & propinquis visum fuit, ut in Illustrem hanc se conferret, & potestatem assumendi dignitatem Doctoratus concedi sibi à Jectorum in ea Ordine peteret. In quâ re, ut dixi, assensum ipsi facilè est. Itaq; Lectionem Cursoriam, cujus supra facta est mentio, Candidatus noster d. 5. Febr. & sqq. diebus, horâ X. antemeridianâ, Deo volente in Auditorio Jectorum habebit: in  
qua

qua uti diximus d. l. Bene à Zenone 3. eruditè ex-  
plicabit: ejusq; occasione quædam, de summâ  
Imperatoris Majestate differet. Cui Lectioni  
ut jurium Studiosi frequenter interesse velint,  
sub gratâ talionis lege enixè rogo. P.P. Jenæ d. 1.  
Febr. Anno Christi 1657.






ULB Halle  
005 125 669

3



1017





nens  
ale  
usu  
cel  
irtu  
præ  
V  
abis  
era  
ibi  
no  
am  
rah



B.I.G.

Farbkarte #13

# PROGRAM- MA.

Ungepaar

1657, 21

23

